

"Пробация қызметінің есебінде тұрған адамдарға әлеуметтік-құқықтық көмек көрсету қағидаларын бекіту туралы" Қазақстан Республикасы Үкіметінің 2014 жылғы 23 қазандағы № 1131 қаулысына өзгерістер мен толықтыру енгізу туралы

Күшін жойған

Қазақстан Республикасы Үкіметінің 2017 жылғы 6 сәуірдегі № 176 қаулысы.
Күші жойылды - Қазақстан Республикасы Үкіметінің 2023 жылғы 1 қыркүйектегі № 758 қаулысымен

Ескерту. Күші жойылды - ҚР Үкіметінің 01.09.2023 № 758 (алғашқы ресми жарияланған күнінен кейін күнтізбелік он күн өткен соң қолданысқа енгізіледі) қаулысымен.

Қазақстан Республикасының Үкіметі **ҚАУЛЫ ЕТЕДІ:**

1. "Пробация қызметінің есебінде тұрған адамдарға әлеуметтік-құқықтық көмек көрсету қағидаларын бекіту туралы" Қазақстан Республикасы Үкіметінің 2014 жылғы 23 қазандағы № 1131 қаулысына (Қазақстан Республикасының ПҰАЖ-ы, 2014 ж., № 65, 600-құжат) мынадай өзгерістер мен толықтыру енгізілсін:

көрсетілген қаулымен бекітілген Пробация қызметінің есебінде тұрған адамдарға әлеуметтік-құқықтық көмек көрсету қағидаларында:

1-тармақ мынадай редакцияда жазылсын:

"1. Осы Пробация қызметінің есебінде тұрған адамдарға әлеуметтік-құқықтық көмек көрсету қағидалары (бұдан әрі – Қағидалар) 2014 жылғы 5 шілдедегі Қазақстан Республикасының Қылмыстық-атқару кодексін, "Пробация туралы" 2016 жылғы 30 желтоқсандағы Қазақстан Республикасының Заңын іске асыру мақсатында әзірленді және пробация қызметінің есебінде тұратын адамдарға әлеуметтік-құқықтық көмек көрсету тәртібін айқындайды.";

3 және 4-тармақтар мынадай редакцияда жазылсын:

"3. Жергілікті атқарушы органдар, қоғамдық бірлестіктер және өзге де ұйымдар сотқа дейінгі, үкімдік, пенитенциарлық және пенитенциарлықтан кейінгі пробация қолданылатын адамдарға осы Қағидаларға 1-қосымшаға сәйкес нысан бойынша пробация қызметі әзірлеген әлеуметтік-құқықтық көмек көрсетудің жеке бағдарламасына (бұдан әрі – жеке бағдарлама) және осы Қағидаларға 2-қосымшаға сәйкес нысан бойынша пробация қызметі қылмыстық-атқару (пенитенциарлық) жүйесі мекемесінің әкімшілігімен бірлесіп әзірлеген жеке бағдарламаға сәйкес әлеуметтік-құқықтық және өзге де көмек көрсетеді.

4. Әлеуметтік-құқықтық көмек алуға жәрдем көрсету сотқа дейінгі, үкімдік, пенитенциарлық және пенитенциарлықтан кейінгі пробация қолданылатын адамдарға қатысты жүзеге асырылады.

Оларды есепке қою кезінде пробация қызметі:

1) денсаулық жағдайын анықтай отырып, адамның жеке басын, оның білім деңгейін және жұмыспен қамтылғандығын, тұрғылықты жерінің бар-жоғын зерделейді, сондай-ақ әлеуметтік-құқықтық көмектің көлемін айқындау үшін қажетті өзге де мәліметтерді анықтайды;

2) әлеуметтік-құқықтық көмек көрсету тәртібін түсіндіреді.";

7-тармақ мынадай редакцияда жазылсын:

"7. Жеке бағдарламаның бір данасы:

1) шартты түрде сотталғанның бақылау ісіне;

2) бас бостандығын шектеуге сотталған адамның жеке ісіне;

3) бас бостандығынан айыру орындарынан шартты түрде мерзімінен бұрын босатылған адамның жинақтау ісіне;

4) бас бостандығынан айыру орындарынан босатылған адамға қатысты сот әкімшілік қадағалау белгілеген адамның жинақтау ісіне;

5) бас бостандығынан айыруға сотталған адамның жеке ісіне;

6) сотқа дейінгі пробацияға жататын адамның жинақтау ісіне;

7) Қазақстан Республикасы Қылмыстық кодексінің 73-бабына сәйкес бас бостандығынан айыру айыппұлға ауыстырылған адамның жинақтау ісіне;

8) сот тағайындаған бас бостандығынан айыру түріндегі жаза мерзімін өтеген адамның жинақтау ісіне қосылады.

Жеке бағдарламаның екінші данасы пробация қызметінде есепте тұрған адамға қол қойылып беріледі.";

10-тармақ мынадай редакцияда жазылсын:

"10. Пробация қызметінде есепте тұрған адам әлеуметтік-құқықтық көмек алудан бас тартқан жағдайда – пробация қызметінің қызметкері, ал пенитенциарлық пробацияға жататын адамға қатысты пробация қызметінің қызметкерлері қылмыстық-атқару (пенитенциарлық) жүйесі мекемесінің қызметкерлерімен бірлесіп, қылмыстық-атқару қызметі саласындағы уәкілетті орган бекіткен нысан бойынша тиісті акті жасайды, ол іске қосылады.";

көрсетілген Қағидаларға қосымша осы қаулыға 1-қосымшаға сәйкес редакцияда жазылсын;

осы қаулыға 2-қосымшаға сәйкес 2-қосымшамен толықтырылсын.

2. Осы қаулы алғашқы ресми жарияланған күнінен кейін күнтізбелік он күн өткен соң қолданысқа енгізіледі.

Қазақстан Республикасы
Үкіметінің
2017 жылғы 6 сәуірдегі
№ 176 қаулысына
1-қосымша

Пробация қызметінің есебінде
тұрған адамдарға
әлеуметтік-құқықтық көмек
көрсету қағидаларына
1-қосымша
Нысан

(пробация қызметінің атауы)

Әлеуметтік-құқықтық көмек көрсетудің жеке бағдарламасы

Мен, _____
(пробация қызметінің бастығы (аға инспектор, инспектор)
қызметкердің тегі, аты-жөні)

тұратын (мекенжайы)

(тегі, аты, әкесінің аты)

денсаулық жағдайының, білім деңгейі мен жұмыспен қамтылуының,
тұрғылықты жерінің бар-жоғының, сондай-ақ өзге де мәліметтердің (сотқа
дейінгі, үкімдік немесе пенитенциарлықтан кейінгі пробацияға жататын адамдар)

(қажетінің астын сызу)

нәтижелері бойынша әлеуметтік-құқықтық көмек көрсетудің жеке
бағдарламасын жасадым,

ол мынадай әлеуметтік-құқықтық көмектің көрсетілуіне мұқтаж:

- 1) медициналық қызмет алуға (қажет болған жағдайда);
- 2) құқықтық көмекке (қажет болған жағдайда):

пробация қызметінің есебінде тұрған адамның қаражаты болмаған жағдайда
заңнама бойынша тиесілі әлеуметтік жәрдемақыларды, әлеуметтік төлемдерді
алуға, жұмысқа орналасуға, оқуға, медициналық көмек алуға құжаттар тапсыру
үшін заңдық мәні бар құжаттарды ресімдеуге;

әлеуметтік көмекке, әлеуметтік қамсыздандыруға заңнамада белгіленген
құқықтар мен олардың бұзылуынан қорғау тәсілдері бойынша заңдық
консультация беруге;

өмірлік қиын жағдайдан шығу үшін жағдай жасайтын мәселелерді шешуге ықпал ететін заңнамада белгіленген жеңілдіктерді, жәрдемақыларды және басқа да әлеуметтік төлемдерді алуға жәрдемдесуге;

- 3) білім алуына көмек көрсетуге (қажет болған жағдайда);
- 4) кәсіпті меңгеруіне және жұмысқа орналастыруға (қажет болған жағдайда);
- 5) арнаулы әлеуметтік қызметтер көрсететін (жазасын өтеген адамның тұрғын үйі болмаған немесе одан айырылған жағдайда) уақытша тұру ұйымына орналастыруға;
- 6) өзге де көмек алуға (қажет болған жағдайда).

Әлеуметтік-құқықтық көмек көрсетудің жеке бағдарламасын пробация қызметінің бастығы (аға инспектор, инспектор) жасады.

(атағы) (қолы) (тегі, аты-жөні)

20__ жылғы " __ " _____

М.О.

Әлеуметтік-құқықтық көмек көрсетудің жеке бағдарламасымен таныстым және келісемін _____

(адамның тегі және аты-жөні) (қолы)

20__ жылғы " __ " _____

Қазақстан Республикасы
Үкіметінің
2017 жылғы 6 сәуірдегі
№ 176 қаулысына
2-қосымша

Пробация қызметінің есебінде
тұрған адамдарға
әлеуметтік-құқықтық көмек
көрсету қағидаларына
2-қосымша
Нысан

(мекеменің атауы)

Әлеуметтік-құқықтық көмек көрсетудің жеке бағдарламасы

Біз, төменде қол қоюшылар: _____
(пробация қызметінің бастығы (аға инспектор, инспектор))

кылмыстық-атқару (пенитенциарлық) жүйесі мекемесінің сотталғандарды еңбекке және тұрмыстық орналастыру жөніндегі қызметкерімен бірлесіп) түзеу мекемесінен босағаннан кейін _____

_____ туратын
(мекенжайы)

_____ (адамның тегі және аты-жөні)

денсаулық жағдайының, білім деңгейі мен жұмыспен қамтылуының, тұрғылықты жерінің бар-жоғының, сондай-ақ өзге де мәліметтердің (пенитенциарлық пробацияға жататын адамдар) нәтижелері бойынша әлеуметтік-құқықтық көмек көрсетудің жеке бағдарламасын жасадық,

ол мынадай әлеуметтік-құқықтық көмектің көрсетілуіне мұқтаж:

1) медициналық қызмет алуға (қажет болған жағдайда);

2) құқықтық көмекке (қажет болған жағдайда):

пробация қызметінің есебінде тұрған адамның қаражаты болмаған жағдайда заңнама бойынша тиесілі әлеуметтік жәрдемақыларды, әлеуметтік төлемдерді алуға, жұмысқа орналасуға, оқуға, медициналық көмек алуға құжаттар тапсыру үшін заңдық мәні бар құжаттарды ресімдеуге;

әлеуметтік көмекке, әлеуметтік қамсыздандыруға заңнамада белгіленген құқықтар мен олардың бұзылуынан қорғау тәсілдері бойынша заңдық консультация беруге;

өмірлік қиын жағдайдан шығу үшін жағдай жасайтын мәселелерді шешуге ықпал ететін заңнамада белгіленген жеңілдіктерді, жәрдемақыларды және басқа да әлеуметтік төлемдерді алуға жәрдемдесуге;

3) білім алуына көмек көрсетуге (қажет болған жағдайда);

4) кәсіпті меңгеруіне және жұмысқа орналастыруға (қажет болған жағдайда);

5) арнаулы әлеуметтік қызметтер көрсететін (егер жазасын өтеген адамның тұрғын үйі болмаған немесе одан айырылған жағдайда) уақытша тұру ұйымына орналастыруға;

б) өзге де көмек алуға (қажет болған жағдайда).

Әлеуметтік-құқықтық көмек көрсетудің жеке бағдарламасын пробация қызметінің бастығы (аға инспектор, инспектор) мекеменің сотталғандарды еңбекке және тұрмыстық орналастыру жөніндегі қызметкерімен бірлесіп жасады.

_____ (атағы) (қолы) (тегі, аты-жөні)

(атағы) (қолы) (тегі, аты-жөні)

20__ ЖЫЛҒЫ " __ " _____

М.О.

Әлеуметтік-құқықтық көмек көрсетудің жеке бағдарламасымен таныстым
және келісемін _____

(адамның тегі және аты-жөні) (қолы)

20__ ЖЫЛҒЫ " __ " _____

© 2012. Қазақстан Республикасы Әділет министрлігінің «Қазақстан Республикасының Заңнама және
құқықтық ақпарат институты» ШЖҚ РМК